

بسم الله تبارك وتعالى
قصة أوالد النبي إبراهيم (سالمه اعلىنا)
سفر التكوين
الفصل ستة وعشرين إلى الفصل ستة وثالثين

بركة النبي إسحاق والنبي يعقوب

النبي إسحاق ساكن امع الفلشطييمين

¹ واطرات فلارض مجاعة مرة ثانية تشابه الذيك اللي خلكت فزمن النبي إبراهيم. وڤام النبي إسحاق وڤاس مدينة جرار اللي فيها أبيمالك ملك الفلشطييمين. ² واطهر الله تعالى للنبي إسحاق وڤالو: لا تكيس مصر، يغير اسكن فلبليدة اللي لاهي انعتلك. ³ اسكن فهاذي لبليدة ولاهي انعود امعاك ولاهي انباركك ولاهي نعطيك انتا ونسلك هاذي لارض كاملة اياك انعدل ذاللي احلفت بيه لبوك إبراهيم. ⁴ ولاهي انكثر نسلك يلين يعود ڤد انجوم السما فلكثرة، ولاهي نعطيكم هاذي لارض كاملة وبنسلك لاهي يتباركو شعوب لارض كاملين، ⁵ بيهلي إبراهيم طاعني وطبق أوامري ووصاياي واحكامي وشريعتي.

⁶ ولذلك السبب اسكن النبي إسحاق فمدينة جرار. ⁷ وإلين سولوه أهل المدينة عن اعيالو، ڤالهم: هي اختي. بيهلي كان خايف يڤول اعلنها اعيالو اياك ما يكتلوه أهل المدينة بسبب رفقة بيهلي كانت امرة زينة حته. ⁸ وعاكب يلين اعطا النبي إسحاق فترة من الزمن فمدينة جرار، اخلك اعلن أبيمالك ملك الفلشطييمين خرص مرة من كوتو وشاف النبي إسحاق يتعاير امع اعيالو رفقة. ⁹ وڤام ومثالو يجيه، وڤال: ظاهرلي اعلن رفقة فالحقيقة هي اعيالك، انتا مالك ڤلتلي اعلنها اختك؟ وڤالو النبي إسحاق: كنت خايف اعلني لاهي ننكتل بسببها. ¹⁰ وڤالو أبيمالك: شنهو اللي عدلتنا؟ كان اهوين اعلى أي واحد منا يعاشر رفقة واتعود جبتنا ذنب. ¹¹ واطلب أبيمالك من الشعب كامل وڤالهم: اللي منكم يمس هاذا الراجل واعيالو يدور ينكتل.

¹² واحرث النبي إسحاق فارض جرار واحصد نفس السنة مية مرة ذاللي احرث بيهلي الله تعالى بارك فيه. ¹³ وكبرت قيمتو وامتلا من الدنية يلين عاد غني حته. ¹⁴ وكان عندو ياسر من لغنم ولبكر ولعبيد يلين عادو الفلشطييمين

يتعينو فأملاكو.

¹⁵ ولذاك السبب ردمو الفلشطييمين الحسيان كاملين اللي جهروهم اعبيد بوه النبي إبراهيم.

¹⁶ وكمال أبيمالك للنبي إسحاق: امشي عتّا بيكلي انتا عدت امتن واغنى منا.

¹⁷ وامشا النبي إسحاق من المدينة شور واد الجرار واسكن فيه.

¹⁸ وكمال النبي إسحاق واجهر مرة اخرا الحسيان اللي انجهرو فزمن النبي

إبراهيم واللي ردموهم الفلشطييمين عاكب موت بوه. وسما الحسيان

باساميهم اللي سماهم النبي إبراهيم. ¹⁹ وجهرو اعبيد النبي إسحاق حاسي

فواد جرار وجبرو فيه ياسر من الما الصالح لشراب. ²⁰ واتخاصمو رعيان

مدينة جرار امع رعيان النبي إسحاق وكمالولهم: هاذا الما هو لنا نحنا. وسما

النبي إسحاق الحاسي باسم حاسي عسيق اللي معناه الديكة، بيهملي ادايكو

امعاه اعليه. ²¹ وكمالو اعبيد النبي إسحاق وجهرو حاسي ثاني وخلكت اعليه

الديكة املي. وسما النبي إسحاق الحاسي سطنة اللي معناها العداوة. ²² وامشا

النبي إسحاق من فم واجهر حاسي ثاني ولا ادايكو اعليه هاذي المرة. وسما

النبي إسحاق ذي الحاسي رحوبوت اللي معناها مولانا يوسع ارضك. وكمال:

الله تعالى وسع ارضنا ولاهي نكتارو فلارض.

²³ ومن فم امشا النبي إسحاق واعد بئر السبع. ²⁴ واطهرلو الله تعالى

فذلك الليلة اللي جا فيها لبئر السبع وكمالو: أنا هو إله بوك إبراهيم لا

اتخاف بيّلي أنا امعاك وانباركك ولاهي انكثر ذريتك بسبب عبدي

إبراهيم. ²⁵ وابنا النبي إسحاق فم مذبج وصلى لله تعالى، وابنا فم خيمة

وجهرو اعبيدو حاسي.

²⁶ وجا أبيمالك من مدينة جرار للنبي إسحاق وامعاه أخزأت مستشارو

وفيكول رئيس جيشو، ²⁷ وكمالهم النبي إسحاق: شواساكم اتجوني،

وانتوما اكرهتوني وصعتوني من عندكم؟ ²⁸ وكمالو: ظاهرنا اعلن الله

تعالى امعاك وبالتالي كالأنا: خلينا نتعاهدو. وكل واحد منا يحلف للوخر

²⁹ اعلنك ما اتعدّلنا شي خاسر كيف نحنا ما عدلنالك شي خاسر، ولا

عدلنالك يكون الخير، ومشّيناك بالسلامة، وارايعك انتا ظرك امبارك

من مولانا.

³⁰وڤام النبي إسحاق وعدلهم شي من اطعام وكالوه وشربو. ³¹وبكرو امع الصباح واحلف كلهم للوخر، ووادعهم النبي إسحاق وامشاو اعلى العافية. ³²وفنفس ذاك النهار جاو اعبيد النبي إسحاق وڤالولو: نحنا اجبرنا الما فالحاسي اللي اجهرناه. ³³وسماه النبي إسحاق شبعة اللي معناه سبعة ومن ذاك اليوم يلين ظرك عاد اسم ذيك المدينة بئر السبع. ³⁴والين عاد عيسو عندو 40 سنة اتخيم امع مرتين هوماتي يهوديت منت بيرى الحيثي وعاكبها بسمة منت إيلون الحيثي. ³⁵وذو لعليات الثنتين تعبو إسحاق ورفقة.

بركة النبي إسحاق والنبي يعقوب

النبي يعقوب يكلع بركة لبكورية من عيسو

¹والين استكهل النبي إسحاق واضعاف بصرو كيام وعيط لولو لكبير عيسو وكالو: يا ولي. وكالو عيسو: اراعيني يا بوي. ²وكالو النبي إسحاق: أنا عدت شيباني ولاني عارف اينتا لاهي انموت. ³ظرك اكبظ دبشك ونشاباتك وقوسك وكيس الخلوات وصيّدلي، ⁴وعدلي اطعام زين عندي وجيولي اياك نوكل منو اياك نطلب مولانا يبارك فيك سابك انموت.

⁵وفذا سمعت رفقة اكلام النبي إسحاق امع عيسو. والين امشا عيسو واعد الخلوات اياك يصيد فريسة ويجيبها لبوه النبي إسحاق، ⁶كالت رفقة ليعقوب: أنا اسمعت بوك يكلو لخوك عيسو: ⁷صيّدلي فريسة وعدلي اطعام زين عندي اياك نوكل ونطلب الله تعالى يبارك فيك سابك انموت. ⁸ظرك اصا يا ولي اسمع ذاللي لاهي نطلب منك. ⁹كيم ماشي شور امراح لغنم واختر منهم جديين وجيهملي اياك انعدل لبوك اطعام زين عندو. ¹⁰وتعطيه لبوك اياك يوكل واياك يباركك انتا سابك يموت. ¹¹وكال يعقوب لأمو رفقة: انتي تعرفي اعلن خوي عيسو هو راجل امزغب، وأنا ما في ياسر من الزغب. ¹²والين يمسنني بوي ويعرف اعلمي خزيت بيه وانعود نجبر لعنة بل البركة. ¹³وكالت رفقة ليعقوب: لعنتك اعلي أنا، اسمعلي انتا اوتوف وامشي وجيولي الجديان لأثنين اللي اطلبتهم منك.

¹⁴وامشا يعقوب واختار جديين وجابهلها وطبخت رفقة اطعام زين عند النبي إسحاق. ¹⁵وكبظت لبسة زينة من الباس عيسو ولها لكبير اللي كانت عندها فالدار واعطاتها ليعقوب اياك يلبسها. ¹⁶وغطات ايديه وركبتو بجل الجديان لأثنين. ¹⁷واعطاتو الطعام الزين اللي طبخت امع ^بامبورو.

18 وڃا يعقوب لبوه النبي إسحاق وڃاڻو: يا بوي. وڃاڻو النبي إسحاق:
اراعيني يا ولي، ڇوڻي انتا أي أولادي؟ 19 وڃاڻو يعقوب: آنا ولك لكبير
عيسو، وعدلتك ذاللي اطلبت مني. وظرك ڇوم اوكل من ذاللي صيدتلك اياك
تطلبلي البركة. 20 وڃاڻو النبي إسحاق: ابسيمحالة ڇديت اتصيد بهاذي
العجلة؟ وڃاڻو يعقوب: الله تعالى إلهك اسبلي اطيڙي. 21 وڃال النبي إسحاق
ليعقوب: ڇرب مني انمسك اياك نعرف يكانك ولي عيسو ڇڪ ڇڪ وللا ابي.
22 وڃام يعقوب وڇرب من بوه ومس النبي إسحاق يعقوب وڃاڻو: صوتك
صوت يعقوب يغير ايديك هوما ايدين عيسو. 23 ولا ڇڊ النبي إسحاق يعرف
يعقوب بيهلي ايديه كانو املائات من ازغب كيف ايدين عيسو. وڃام النبي
إسحاق وبارك يعقوب. 24 وسولو: انتا هو وڻي عيسو؟ وڃاڻو يعقوب: اهيه آنا
هو بعد. 25 وڃاڻو النبي إسحاق: اعطيني نوكل من ذاللي صيدت اياك نطلبلك
البركة. وڃام النبي يعقوب وجابلو الطعام وكال منو وجابلو عصير العنب
واشرب منو.

26 وڃال النبي إسحاق ليعقوب: وهاي جاي وضمني يا ولي. 27 وڃام يعقوب
وڇرب من النبي إسحاق وضمو وشم إسحاق ريحة الباس يعقوب واطلبلو
البركة وڃال: اراعيها ريحة ولي كيفت ريحة حرث امباركو الله تعالى.

28 ينعم اعليك مولانا

من ما السحاب

ومن خير التراب

ويكثرلك مولانا

من الڇمخ والعنب

29 الشعوب لاهي يخدموك

والقبائل لاهي يسجدولك

واتعود شيخ اعلى اخوتك

وأولاد أمك لاهي يكبروك

واتعود الناس اللي تلعنك ملعونة

والناس اللي اتباركك لاهي اتعود مباركة

30 وإلين اؤفا النبي إسحاق من طلبة البركة ليعقوب، امشا يعقوب من

عند بوه. فذا ارجع عيسو من الخلوات.³¹ واطبخ هو املي الطعام
الزين وجابو لبوه النبي إسحاق وڤال: ڤوم يا بوي واوكل من صيد
ولك، واطلبلي البركة.³² وڤالو النبي إسحاق: انتا منهو؟ وڤالو عيسو:
أنا ولك لكبير عيسو.³³ وڤبظت النبي إسحاق الرعدة وڤال لعيسو:
منهو اصا ذاللي جابلي من فريستو ووڤاني منها سابك اتجي واطلبتلو
البركة؟ وهو اللي لاهي يعود امبارك.³⁴ والين اسمع عيسو اكلام بوه
النبي إسحاق ڤام وازڤا الفوك وڤال: اطلبلي البركة أنا املي يا بوي!
³⁵ وڤالو النبي إسحاق: أنا خزا بيّ يعقوب واڤلع منك بركتك.³⁶ وڤال
عيسو: مالو اسمو يعقوب اللي معناه الخداع؟ اراهو خزا بيّ مرتين،
اڤبظ بكوري تي وظرك اڤبظ بركتي. وڤال للنبي إسحاق: ما خليتلي شي
من البركة؟³⁷ وڤالو النبي إسحاق: أنا عدلتو شيخ اعليك وعدلت
اخوتو كاملين اعبيدو، واطلبت مولانا يكثرلو من الڤمح والعنب.
وظرك شانك انعدلك انتا؟³⁸ وڤالو عيسو: مندر ايكان عندك الا بركة
وحدة يا بوي؟ اطلبلي مولانا أنا املي يا بوي! وڤام عيسو ييكي الفوك.
³⁹ وڤالو بوه النبي إسحاق:

لاهي اتعود ساكن فارض يابسة

ما ينزل اعليها الما

⁴⁰لاهي اتعيش بسيفك،

ولا هي اتعود عبد لخوك،

يغير يلين انتور اعليه

لاهي اتكسر كل ثكل دارو اعليك

⁴¹واحد عيسو اعلى خوه يعقوب بسبب البركة اللي اطلبلو النبي إسحاق،
وڤال عيسو امبينو امع راصو: اڤريب يدور يموت بوي، وعاڤب ذاك نكتل
خوي يعقوب.⁴² وسمعت رفقة ذاللي اتوعد بيه عيسو ليعقوب. وڤامت
ومشات ليعقوب وڤاتلو: عيسو يخطط اياك يكتلك.⁴³ وظرك اسمعلي يا ولي
وڤيم واهرب شور خوي لابان اللي فحاران.⁴⁴ واسكن عندو أيام ماهم
ياسرين يلين يهناو افڤايع خوك.⁴⁵ والين يهناو افڤايعو وينسا اللي عدلتلو
انتا، عاڤب ذاك اندور انمشيلك اتجي من حاران. اعلاش ننحرم منكم لأثنين

فنفس اليوم؟

⁴⁶وعاكب ذاك پكالت رفقة للنبي إسحاق: أنا اكرهت روعي بسبب امنات
الحيثيين. وإلین يتخيم يعقوب امع امرة حيثية من هادي لارض تشابه لعليات
عيسو، يعود موتي اشبه من حياتي.

بركة النبي إسحاق والنبي يعقوب

النبي يعقوب يهرب من خوه عيسو

¹ وڤكام النبي إسحاق و عيط ليعقوب واطلبو البركة ووصاه اعلنو لا يتخيم امع اعليات كنعان. ² وڤكالو: ڤوم وامشي شور واد أرام شور دار بتوئيل بو أمك واتخيم امع وحدة من امنات خالك لابان. ³ ومولانا القدير يعطيك البركة ويعدلك مثمر اياك يتفرعو منك ياسر من لأمم. ⁴ ويعطيك انتا وذريتك بركة النبي إبراهيم اياك تورث لارض اللي عايش فيها ظرك كيفت أجني، هادي لارض اللي اعطاها مولانا للنبي إبراهيم. ⁵ ومشا النبي إسحاق يعقوب، وڤكاس يعقوب واد أرام بل امنين ساكن لابان ول بتوئيل لأرامي، خو رفقة، اللي هي أم عيسو ويعقوب.

⁶ وشاف عيسو اعلن النبي إسحاق اطلب البركة ليعقوب ومشا شور واد أرام اياك يختار من فم اعيالو. وشاف املي اعلن وصا النبي إسحاق يعقوب وڤكالو: لا تتخيم من أي امرة كنعانية. ⁷ ويعقوب اسمع لوالديه وامشا شور واد أرام. ⁸ واعرف عيسو اعلن اعليات كنعان ما رضاو النبي إسحاق. ⁹ ڤكام وامشا شور عمو إسماعيل واتخيم امع محلة خت نبايوت ومننت إسماعيل ول النبي إبراهيم وزاها امع اعلياتو لخرات.

¹⁰ ويعقوب امشا من بئر السبع واعد حاران. ¹¹ وفطريكو اجبر ابليدة وبات فيها بيهلي عاد وقت اطيح الشمس. واڤبط حجرة ودارها احذا راسو وبات فم. ¹² واحلم حلم وشاف فيه امطاليع اعلى لارض وراسهم ماس السما وملايكة مولانا يطلعو وينزلو اعليهم. ¹³ والله تعالى نفسو فوڤكهم يڤول: أنا هو الله تعالى إله جدك إبراهيم وإله بوك إسحاق، والتراب اللي تاكي اعليها ظرك لا هي نعطيها لك ولذريتك ¹⁴ اللي لا هي اتعود ياسرة كيف احصي التراب ولا هي اتڤيس الغرب والشرك والشمال والجنوب ويتباركو شعوب لارض كاملين بسببك انتا وذريتك. ¹⁵ أنا اراعييني امعاك نرعاك شور بل

امنين ڀايس ولاهي انرجعك شور هاڏي لارض ولاني لاهي انخليڪ ماقت
عدلتك ڏاللي اتعهدتلك بيه كامل.¹⁶ ومن فم او عا يعقوب من ارڇادو وڇال:
فالحقيقة الله تعالى حاضر هون و آنا ما كنت عالم بيه.¹⁷ وانخلع النبي يعقوب
وڇال: هاڏي لبليدة المقدسة، تشابه لدار مولانا و باب الجنة.
¹⁸ و بڪر يعقوب امع الصباح و اڇبظ الحجرة الللي دارها احڏاه وقت ارڇادو
ووڇفها ودار اعليها شي من الزيت اياك يخصصها لمولانا.¹⁹ و سما هاڏي
لبليدة بيت ايل الللي معناه دار مولانا. و كان اسم المدينة سابڪ ڏا هو لوز.
²⁰ وانذر النبي يعقوب نذر وڇال: إلى عاد مولانا امعاي و ارعاني فهاڏي
الطريق الللي ماشي فيها و اعطاني اوڪيل نوڪلو و اعطاني الباس نلبسو،
²¹ و ارجعت سالم لدار بوي، لاهي انعدلو إلهي،²² و اتعود هاڏي الحجرة الللي
وڇفتها هي دار مقدسة لمولانا ولاهي نعطيك العشر من ڏاللي ترزقني بيه.

بركة النبي إسحاق والنبي يعقوب

النبي يعقوب يناسب عائلة لابان

¹ وواصل النبي يعقوب رحلتو يلين لحك لارض حاران. ² وخرص فزرو وشاف حاسي فحرث وشاف عندو 3 كلفات من لغنم يرعاو احذا الحاسي بيهلي كانو الناس يسكو كلفات لغنم من ذا الحاسي. وكانت الحجرة اللي اعلى فم الحاسي اكبيرة. ³ وكانو رعيان لغنم كاملين يجتمعو عندها ويكحزو الحجرة عن فم الحاسي ويسكو اغنمهم وعاكب ذاك يرجعو الحجرة مرة ثانية اعلى فم الحاسي.

⁴ وكمالهم النبي يعقوب: يا اخوتي انتوما جايين من امنين؟ وپالولو: نحنا جايين من حاران. ⁵ وپالهم: مندر ا يكانكم تعرفو لابان ول ناحور؟ وپالولو: اهيه نعرفوه حته. ⁶ وپالهم: شماسي هو؟ وپالولو: هو معافي، وارايعها منتو راحيل جاية امع اغنمهم. ⁷ وپالهم النبي يعقوب: النهار ذا هو مزال اطويل وظرك ما هو وقت اجميع لغنم. كومو تسكو لغنم وامشو تسرحوهم. ⁸ وپالولو: ما انكدو انعدلو ذاللي كلت سابك يجتمعو كلفات لغنم كاملين ورعيانهم اياك انكومو وانكحزو الحجرة اللي اعلى فم الحاسي ونسكو لغنم. ⁹ وفالوقت اللي كان يتكلم فيه النبي يعقوب امع الرعيان، جات راحيل امع اغنم بوها بيهلي كانت هي املي راعية. ¹⁰ والين شافها النبي يعقوب كام واتكدم وكحز الحجرة عن فم الحاسي واسكا اغنم خالو لابان. ¹¹ وسلم النبي يعقوب اعلى راحيل وپام يبكي. ¹² وپالها اعلنو قريب لبوها واعلنو ول رفة. وپامت راحيل وامشات اياك اتعلم بوها.

¹³ والين اسمع لابان باخبار ول اختو، ادفع يتلكالو وضمو وجابو لدارو. ورد النبي يعقوب اعلى لابان ذاللي اخلك كامل. ¹⁴ وپال لابان للنبي يعقوب: انتا من عظمي ولحمي. واسكن النبي يعقوب عند لابان مدة اشهر. ¹⁵ وپال لابان للنبي يعقوب: انتا تشتغل عندي مجانا بسبب اعلنك قريب

لي؟ كُولي شنهو اخلاصك؟¹⁶ وكان عند لابان منتين اسم لكبيرة ليئة واسم الصغيرة راحيل.¹⁷ وكانت ليئة زينة يغير راحيل كان جمالها أكثر.¹⁸ وابغا النبي يعقوب راحيل، وڤال لخالو لابان: لاهي نخدمك مدة سبع سنوات اياك نتخيم امع راحيل منتك الصغيرة.¹⁹ وڤالو لابان، إلى عدت لاهي نتخيم امعاها أخير عندي حته من انخيمها امع راجل اوخر. اسكن عندي.²⁰ واشتغل النبي يعقوب لابان مدة سبع سنوات اياك يتخيم امع راحيل. والنبي يعقوب ما حس بمرور هاذي السنوات السبعة بيه عزتو راحيل.²¹ وڤال النبي يعقوب للابان: اعطيني اعيالي نتخيم امعاها بيهلي وفيت شغلتي امعاك.²² وڤام لابان واجمع جيرانو كاملين وعيطلهم لندوية العرس.²³ وإلين عاد الليل اڤبظ لابان منتو ليئة وجابها للنبي يعقوب واتخيم امعاها.²⁴ واعطا لابان خادمو زلفة لمنتو ليئة اياك تخدمها.²⁵ وامع الصباح افطن النبي يعقوب اعلن اللي اتكات امعاها هي ليئة! وڤال النبي يعقوب للابان: شنهو ذاللي عدلتلي؟ أنا امالي اشتغلتنك مدة سبع سنوات اياك نتخيم امع راحيل؟ اعلاش خزيت بي؟²⁶ وڤالو لابان: ماهو من عادة ابلدنا اعلنا انخيمو المنت الصغيرة سابك لكبيرة.²⁷ كمل أسبوعك امع ليئة وعاڤب ذاك انخيمك امع راحيل وتشتغلي مدة سبع سنوات اخرات.²⁸ واڤبل النبي يعقوب ذا اللي ڤالو لابان وكمل أسبوعو امع ليئة. واعطاه لابان راحيل منتو اياك يتخيم امعاها.²⁹ واعطا لابان خادمو بلهة لراحيل اياك تخدمها.³⁰ واتخيم النبي يعقوب امع راحيل، وابغاها أكثر من ليئة واشتغل امع خالو لابان مدة سبع سنوات اخرات.

³¹ وإلين شاف الله تعالى اعلن ليئة ما يبغيها النبي يعقوب اجعلها مولانا تجبر الذرية، يغير راحيل كانت عاڤر.³² وحملت ليئة من النبي يعقوب وخلاتو اطفيل وسماتو رأوبين اللي معناه اراعي اطفيل. بيهلي ليئة ڤالت: فالحقيقة الله تعالى شاف ضعفي. وراجلي عاد يبغيني.³³ وحملت ليئة مرة اخرا وخلات اطفيل وڤالت: الله تعالى اعطاني اطفيل ثاني بيهلي اسمع واعرف اعلمي كنت مكروهة. وسماتو شمعون اللي معناه السماع.³⁴ وحملت مرة ثالثة وخلات اطفيل ثالث وڤالت ليئة: ظرك فهاذي المرة لاهي بيكا امعاي راجلي بيلى خليتلو اثلت أولاد. وسمات اطفيل الثالث لاوي اللي معناه

يبكا. ³⁵ وحملت المرة الرابعة وخلات اطفيل املي. وپالت ليئة: فهاذي المرة
لاهي نحمد الله تعالى. وسمات اطفيلها يهوذا اللي معناه الحمد. ووكفت ليئة
عاكب اخلاية يهوذا من البري.

بركة النبي إسحاق والنبي يعقوب

النبي يعقوب يكثر وأولاد وأولاد

¹والذين عرفوا راحيل أعلنها عاكر، غارت من ختها لينة وكالت للنبي يعقوب: أعطيني أولاد وللا لاهي انموت. ²وانفكع اعليها النبي يعقوب وكالها: انتي اترك شايفتني انحل محل مولانا اللي منعك من تجبري التركة؟ ³وكالت راحيل للنبي يعقوب: اراعي خادمي بلهة، عاشرها اياك انعود بأولادي منها. ⁴واعطت راحيل للنبي يعقوب خادمها بلهة. ⁵وحملت بلهة وخلات للنبي يعقوب اطفيل. ⁶وكالت راحيل: مولانا استجابلي وارزقني باطفيل. وسمات راحيل اطفيل دان اللي معناه افضالي مولانا حاجتي. ⁷وحملت بلهة خادم راحيل مرة ثانية وخلات للنبي يعقوب اطفيل اوخر. ⁸وكالت راحيل: أنا ادايكت امع اختي ياسر من الديكات واغلبتها. وسمات راحيل اطفيل الثاني باسم نفتالي اللي معناه ديكتاتي. ⁹والذين شافت لينة أعلنها ما تلات تجبر التركة، كبظت خادمها زلفة واعطتها للنبي يعقوب يعاشرها. ¹⁰وخلات زلفة خادم لينة اطفيل للنبي يعقوب. ¹¹وكالت لينة: مزين حظي. وسمات اطفيل جاد ومعناه الحظ الزين. ¹²وخلات زلفة خادم لينة اطفيل ثاني ¹³وكالت لينة: أنا فرحانة ولعليات لاهي يسموني الفرحانة! وسمات لينة اطفيل الثاني باسم أشير اللي معناه الفرحان.

¹⁴وامشا وأبين شور الحرث فزمن حصاد الكمح، واجبر اكريب منو نبتة اسمها تالفاح وجابها لأمو لينة. وكالت راحيل للينة: أعطيني من ذا التلفاح اللي جابلك ولك. ¹⁵وكالت لينة: انتي ما كافيك اعلنك اكبظتي مني راجلي،

^{14:30}ت يستعملوها لعليات اياك يكودو يجبر التركة , هادي اتزيد من خصوبة لعليات

وظرك هامك املي تكبضي الفاح ولي؟ وڤالتلها راحيل: لاهي انخلي النبي يعقوب بيات الليلة امعاك بدل للفاح. ¹⁶ وإلين ارجع النبي يعقوب من الحرث فالليل، خاظت ليئة تتلكالو وڤالتلو: انتا يالتك اتبات امعاي الليلة بيّلي أنا اكريتك بنبته لفاح ولي. وعاشرها النبي يعقوب فذك الليلة. ¹⁷ واستجاب مولانا لليئة وحملت املي وخلات للنبي يعقوب ول خامس. ¹⁸ وڤالت ليئة: مولانا اعطاني كريتبي بيّلي اعطيت خادمي لراجلي. وسمات ليئة ولها باسم يساكر اللي معناه يشتغل بكرية. ¹⁹ وحملت ليئة مرة اخرا وخلات للنبي يعقوب ول سات. ²⁰ وڤالت ليئة: أنا اعطاني مولانا معطازين، وظرك راجلي عاد اعطيني قيمتي بيّلي خليتلو ست أولاد. وسمات ليئة ولها السات باسم زبولون اللي معناه يكرمني. ²¹ وخلات املي ليئة للنبي يعقوب اطفيلة وسماتها دينة.

²² واذكر مولانا راحيل واستجابلها وافتحلها رحمها. ²³ وحملت وخلات اطفيل وڤالت: اڤلع مولانا عني عاري. ²⁴ وسمات راحيل اطفيلها باسم يوسف اللي معناه يزيد. وڤالت: الله تعالى يزيدي باطفيل اوخر. ²⁵ وإلين ابرات راحيل اعلى يوسف ڤال النبي يعقوب للابان: خليني نمشي واعد بلي وارضي. ²⁶ واعطيني اعلياتي وأولادي اللي اشتغلتك بيهم، وخليني نمشي بيكلي انتا تعرف الشغلة اللي عدلتك. ²⁷ وڤالو لابان: إلى عدت راضي اعليّ أنا طالبك عنك تبكا امعاي بيّلي أنا عدلت لكزانة وظهرلي اعلن الله تعالى باركني بسببك انتا. ²⁸ وڤال املي: ڤولي شنهو اخلاصك ونعطيهلك. ²⁹ وڤالو يعقوب: انتا تعرف الطريقة اللي اشتغلتك بيها وتعرف املي اعلن ما اخلك شي لغنمك فالوقت اللي كانت عندي نرعاها. ³⁰ وذاللي كان عندك سابك انجيك عاد أكثر حته والله تعالى باركك يلين جيتك أنا. وظرك أنا اينتا لاهي نوحل فتحصال الرزق لعياي؟ ³¹ وسولو لابان: شنعطيك؟ وڤالو النبي يعقوب: لا تعطيني شي يغير إلى عدت تبغي اتعدلي مسلة وحدة: لاهي نرعا غنمك ونهتم بيها، ³² وخليني نوخط اليوم امبين غنمك كاملة وتعزل منهم كل كبش ونعجة اركط وللا اشهب، وكل اخروف اكحل، وكل عنز وعتروس اركط وللا اشهب ويعود هاذا اخلاصي. ³³ واتعود امانتي تشهد اعلى صدقي فلأيام الجايين. وإلين اتجيني اياك

اتخرص الحيوان اللي خلصتني بيه، واجبرت عندي عنز وللا عتروس ماهم
رڤط وللا شهب وللا اخروف اكل لاهي يعودو مسروكين.³⁴ وڤال لابان:
انعدلو ذاللي ڤلت.³⁵ واعزل لابان فذاك النهار لعتاريس الرڤط والشهب
وكل عنز رڤطة وللا اشهبة وكل اخروف اكل واعطاهم لأولادو اياك
يسرحوهم.³⁶ وعدل امبينو وامبين النبي يعقوب مسافة اثلت أيام وواصل
النبي يعقوب فرعاية اغنم لابان.

³⁷واڤبظ النبي يعقوب اعراش خطر من 3 أنواع من الصدر وڤشرهم اياك
يظهر لخطوطة البيظ اللي فيهم.³⁸ وڤام وڤف هادو لعراش اللي ڤشرهم
فبلديات ماشي فيهم الما اياك يعودو لعراش فالما يلين يجو لغنم اياك يشربو.
وكانو لغنم يتلاڤحو فنفس الوقت اللي جاو فيه اياك يشربو الما.³⁹ وكانو لغنم
يتلاڤحو ڤدام لعراش ويولدو جديان وخرفان فيهم اخطوطة وللا شهب وللا
رڤط.⁴⁰ وكان النبي يعقوب يعزل هادو عن اغنم لابان ويديرهم امع غنمو.
والين يلحڤ وقت تلڤاج يخلط غنمو اللي فيهم اخطوطة وللا لغنم الكحل
كاملين امع اغنم لابان. وبهاذي الطريقة كثر غنمو.⁴¹ يلين كانو لغنم لمتان
يتلاڤحو كان النبي يعقوب يوڤف لعراش فلبليات اللي فيهم الما ڤدام لغنم
اياك يشربو ويتلاڤحو ڤدامهم.⁴² والين يعودو لغنم الضعيفة هوما اللي
يتلاڤحو ما يدير لعراش ڤدامهم. وبذي الطريقة عادو لغنم الضعيفين للابان
ولغنم لمتان للنبي يعقوب.⁴³ وعاد النبي يعقوب غني حته واكثره و غنمو
وخدمو واعبيدو واجمالو واحميرو.

بركة النبي إسحاق والنبي يعقوب

النبي يعقوب يهرب من لابان امع أسرتو وأملاكو

¹واسمع النبي يعقوب اعلن أولاد لابان يكلو: اكبظ يعقوب كل شي من عند بونا واجمع هادي الثروة كاملة. ²ولاحظ النبي يعقوب اعلن معاملة لابان لو اتغيرت وما اتلات كيف كانت. ³وكال الله تعالى للنبي يعقوب: ارجع شور بل اباتك وشور أهلك وأنا لاهي انعود امعاك. ⁴وكام النبي يعقوب ومشا لراحيل وليئة اياك يجوه شور الخلوات بل امنين يرعا لغنم. ⁵وكالهم: أنا لاحظت اعلن معاملة بوكم امعاي اتغيرت ولا تات كيف كانت، يغير إله اباتي كان ومزال امعاي. ⁶انتوماتي تعرفو اعلمي اشتغلت لبوكم بقوتي كاملة. ⁷يغير بوكم خزا بي وغير اخلاصي 10 مرات يغير مولانا ما خلاه يظلمني. ⁸يلين يكل اعلن اخلاصي هي لغنم اللي فيها انكط، ولدت كاملة جديان وخرفان فيهم انكط. وإلين يكل: اخلاصك هي لغنم اللي فيها اخطوطة، تولد كاملة خرفان وجديان فيهم اخطوطة. ⁹ومولانا اكبظ اغنم بوكم واعطاها لي. ¹⁰والين يتلاكو فيه لعناريس امع لمعيز شفت فحلم اعلن كل لعناريس اللي لاهي يتلاكو امع لمعيز فيهم اخطوطة وللا انكط وللا شهب. ¹¹وكالي ملاك مولانا فالحلم: يا يعقوب! واكلتو: ارا عيني. ¹²وكال: خرص ولاهي اتشوف اعلن لعناريس كاملين اللي لاهي يتلاكو امع لغنم فيهم اخطوطة وللا انكط وشهب بي لي أنا شفت كل شي عدلوك لابان. ¹³أنا هو مولانا اللي اظهر لك فبيت إيل بل امنين صبيت الدهن على الحجرة اياك اتخصصهالي وانذرتلي نذر. ظرك كوم وامشي من هادي لبليلة وارجع شور ابليدتك. ¹⁴وكالولو راحيل وليئة: مندرا يكان عندنا شي نورثوه فأملاك بونا؟ ¹⁵وهو يعاملنا كيف ارواكيح ما يعرفهم بيهلي باعنا وكال فظتنا. ¹⁶وهادي الثروة كاملة اللي اكبظ مولانا من بونا هي لنا ولأولادنا، ولهذا السبب عدل ذاللي كالك مولانا.

17 ورگب يعقوب اعلياتو وأولادو اعلى الجمال 18 وصاڤ غنمو كاملة
كدامو وذاك كامل اللي اجمع فواد أرام وڤاس بوه النبي إسحاق فارض
كنعان.

19 وفذا الوقت كان لابان امشا يزىز لوبر من غنمو وڤامت راحيل وسرڤت
أصنام بوها. 20 و اخدع النبي يعقوب لابان لأرامي ولا ڤالو اعلنو ماشي.
21 واهرب يعقوب رافد ذا كامل عندو واڤطع من نهر الفرات ماشي اعلى
جبهة اكدا جلعاد.

22 واعلم لابان فالיום الثالث اعلن النبي يعقوب اهرب. 23 واڤبط لابان
اخوتو وامشا يڤص اثر النبي يعقوب مدة سبعة أيام يلين اتلاحڤ بيه فاكدا
جلعاد. 24 واطهر مولانا للابان لأرامي فحلم فالليل وڤالو: عسك من اتڤول
ليعقوب أي شي اسوا خاسر وللا صالح.

25 وإلین اجابر لابان امع النبي يعقوب كان النبي يعقوب فات ابنا خيمتو
فكدية جلعاد وابنا لابان واخوتو اخيامهم فم املي. 26 وڤال لابان للنبي
يعقوب: ذاللي عدلتلي شنهو؟ انتا اخدعتني وامشيت بامناتي كيفت حد رافد
محبوسات فالهرب. 27 اعلاش اجحدت عني اعلنك ماشي وخزيت بي؟
اعلاش ما علمتني اعلى لأقل انعود عدلتك ندوية من لغنا والهول والطبول
والتيدينيت. 28 ولا خليتني املي انضم وانحب امناتي وأولادهم؟ انتا الطريقة
اللي اهربت بيها ما كانت زينة. 29 أنا ڤاد انعدلك شي ماهو مونك يغير إله
بوك ڤاللي البارح: عسك من اتڤول ليعقوب أي شي اسوا خاسر وللا صالح.
30 وانتا ظرك امشيت بيكلي اتوحشت دار بوك يغير اعلاش اسرڤت
أصنامي اللي نعبدهم؟ 31 وڤالو النبي يعقوب: أنا كنت خايف من اعلنك تڤلع
مني امناتك. 32 وظرك اللي تجبر عندو أصنامك يعود الموت عقابو. ڤوم
ونبش وسط ادبش أقاربنا وشي اجبرتو لك عندي، ڤبظو. والنبي يعقوب ما
كان عالم باعلن راحيل سرڤت أصنام لابان. 33 وادخل لابان فخيمة النبي
يعقوب وخيمة لينة واخيام اخديمهم ولا اجبر فيهم شي. وخاظ من خيمة لينة
وادخل شور خيمة راحيل. 34 وكانت راحيل فانت ڤبظت لأصنام ولمتهم
فراحلة الجمل وڤعدت اعليهم. ونبش لابان خيمة راحيل ولا اجبر فيها شي.
35 وڤالت راحيل لبوها لابان: لا تنفكع اعلى بيلى ما انڤد انڤوم شورك بيهلي

اعليّ الدورة. وعاكب نبش لابان كل خيمة، ما اجبر أصنامو.
36 وانفكع النبي يعقوب وعيب لابان وكالو: شنهو ذنبي وشنهي خطيئتي
اياك تتلبنى منفكع؟ 37 انتا نبشت ذا كامل اللي عندي ولا اجبرت شي من
أصنامك. إلى عدت اجبرتو ديرو كدام أقاربي وأقاربك اياك يحكمو بيناتنا.
38 مدة 20 سنة اللي عشتها عندك ما اكتلت لك انعاجك وللا امعيزك ولا كلت
كبش من غنمك. 39 ولا جبنتك أي شه موكولة فلخلا اعلى العكس أنا اللي
كنت نتحمل المسؤولية وانتا كنت تطلبها مني اسوا كانت انتكلت فلخلا فالليل
وللا النهار. 40 وأنا كان يثقل اعليّ الحمان فالنهار وفالليل البرد والريقاد طار
من عيني. 41 أنا عادلي 20 سنة فدارك، 14 سنة منها اشتغلنتك اياك نتخيم
امع امناتك وست سنوات اياك نسرح غنمك وانتا غيرت اخلاصي اعشر
مرات. 42 لولا إله جدي النبي إبراهيم واللي خايف املي منو بويّ النبي
إسحاق، اتعود صععتني عنك ما امحاذيني شي. يغير مولانا شاف ظلمك لي
وتعب ايدي وحذرك البارح.

43 وكال لابان: لمنات هوماتي امناتي ولأولاد أولادي ولغنم غنمي ذاللي
اتراعي فيه هو لي، يغير شلاهي انعدل لمناتي وأولادهم ظرك من شي
متعدل؟ 44 شوف، خلينا انعدلو عهد امبيناتنا اليوم، ويعود هاذو العهد شاهد
بيني وبينك. 45 واكبط النبي يعقوب حجرة ووكفها الفوك اياك اتعود علامة
العهد. 46 وكال لأقاربو: اجمعو شي من لحجار. وكامو وجمعو لحجار
وعدلوها كومة منها وكالو احذاها. 47 وسماها لابان لأرامي يجر سهدوثا
بلغتو اللي معناها كومة الشهادة. وسماها النبي يعقوب جلعيد اللي معناها
كومة الشهادة بلغتو. 48 وكال لابان: هاذي الكومة من لحجار شاهدة اليوم
بيني وبينك ولهذا السبب أسمات جلعيد. 49 وأسماط املي باسم المصفاة
بيهلي لابان كال: الله تعالى لاهي يعود شاهد بيني وبينك يلين يتغيب واحد منا
عن لوخر. 50 وإلين اتسيئ معاملتك امع امناتي وللا تتخيم اعليهم، مولانا
يدور يشوفك ولاهي يعود حاكم امبيني امعاك حتة ولعت أنا ماني عالم بيك.
51 وكال لابان املي: لاهي اتعود هاذي الكومة وهاذي الحجرة اللي وكفت
بيني وبينك 52 شاهدين اعلي ماني لاهي نتخطا هاذي الكومة وهاذي الحجرة
اياك انعدلك شي خاسر، وانتا املي لا تتخطاهم اياك اتعدلي شي خاسر.

53 ويعود إله النبي إبراهيم وإله ناحور وإله بوه حاكم امبيناتنا. واحلف النبي يعقوب بمولانا اللي يتقيه بوه النبي إسحاق. 54 وعاكب ذا كيام النبي يعقوب وكدم اذبيحة لمولانا فالكدية وعيط لأقاربو اياك يوكلو فبلد الطعام. وكالو وباتو ليلتهم فالكدية. 55 وامع الصباح كيام لابان وحب وضم امناتو وأولادهم واطلبلهم البركة وكيم ماشي راجع شور بلو.

بركة النبي إسحاق والنبي يعقوب

النبي يعقوب يرجع شور بل أهلو

¹وامشا النبي يعقوب فطريكو واتلکاولو ملايكة مولانا. ²والين شافهم النبي يعقوب کال: هادا جيش مولانا. وسما ذيك لبليدة باسم محنايم اللي معناه المعسكر.

³ومشّا النبي يعقوب امراسيل کدامو شور خوه عيسو فارض سعيّر اللي فمنطقة أدوم. ⁴ووصاهم وکالهم: ذاللي لاهي انکولکم هو اللي اندورکم اتکولو لشيخي عيسو: هادا هو اللي يکولک عبدک يعقوب: آنا عشت عند لابان إلى ظرک ⁵وعاد عندي لبکړ ولغنم ولعبيد ولخدم ومشيتک رسالة يا شيخي انعلمک لعلاک ترضا اعلي.

⁶ورجعو امراسيل النبي يعقوب وکالولو: نحنا جينا لخوک عيسو وارايعه جايک وامعاه 400 راجل. ⁷وانخلع النبي يعقوب ياسرة من الخلعة وکسم ارواکیج اللي امعاه ولغنم ولبکړ والبل اعلي مجموعتين ⁸وکال: يلين يهجم عيسو اعلي وحدة من ذو الجماعات الثنتين والين يفرکها اعلي لأقل ذیک لخرا تسلك.

⁹واطلب النبي يعقوب مولانا وکال: يا إله جدي النبي إبراهيم وإله بويّ النبي إسحاق يا الله تعالى اللي کالي: ارجع شور ارضک وشور أهلك ولاهي نعرفک شي. ¹⁰آنا ما نستحق کل فضلک ذاللي عدلتلي، آنا اکطعت نهر الأردن ولا کان عندي ما هو دبوسي وظرک ارايعيني راجع وامعاي اجماعتين. ¹¹يا مولانا سلکنی من ايد خويّ عيسو بيّلي آنا خايف من يجيني ويهجم اعليّ ويهجم اعليّ لعليات والتركة. ¹²انتا کلتلي يا مولانا: لاهي نعرفک شي وانعدل ذريتک کد احصي التراب اللي ما اتکد تتعد بسبب کثرتها.

¹³وبات النبي يعقوب ذیک الليلة، واکبظ وجهاز من ذاللي عندو من أملاک

هدية لخواه عيسو. ¹⁴ وكانت هاذي الهدية: 200 عنز و 20 عتروس و 200 نعجة و 20 كبش ¹⁵ و 30 ناقة و حيرانهم و 40 بكرة و 10 ثيران و 20 احمارة و 10 حمير. ¹⁶ واعطا هاذا كامل لعبيدو كل كلفة اعلى زر و كمال لعبيدو: اتكدمو كدامي و خلو امبين كل كلفة من الحيوان مسافة امع لخر. ¹⁷ ووصا لعبد الكدامي و كآلو: يلين تجبر خوي عيسو ويسولك: انتا عبد من؟ و امنين واعد؟ و من هو صاحب هاذي كلفة الحيوان اللي كدامك؟ ¹⁸ جاوبو انتا و كآلو: هاذا كامل من حيوان النبي يعقوب اللي مشاه لشيخو عيسو و اراعيه هو نفسو جاي اورانا.

¹⁹ و كمال النبي يعقوب املي اروا كيج لخرين اللي ماشيين اورا كلفات الحيوان بنفس الوصية و كمال: ²⁰ اتكولولو املي: اراعي عبدك يعقوب جاي اورانا. وكان النبي يعقوب يكلو امبينو امع راصو: لاهي انبرد اخلاكو بهاذو الهدايا اللي كدامي و عاكب ذاك يلين نجابرو لعلاه يرضا عني. ²¹ و امشات هدايا النبي يعقوب كدامو و ابكا النبي يعقوب و بات ذيك الليلة فالمخيم.

²² و كمال النبي يعقوب فذيك الليلة و اكبظ اعلياتو و اخدمهم و اولادو 11 و اقطع من نهر ييوق. ²³ و عاكب يلين مشاهم هوما و ذاك كامل اللي عندو شور الزر الثاني من النهر، ²⁴ ابكا النبي يعقوب فم وحدو. و فذا اتفانتن امعاه آر كاج يلين اطلع الفجر. ²⁵ و الين شاف الراجل اعلنو ما كد يغلب النبي يعقوب، خبطو اعلي حر كفتو و انكلع مفصل حر كفة النبي يعقوب وقت ديكتو امع الراجل. ²⁶ و كآلو الراجل: خليني نمشي بيهلي الفجر اطلع. و كآلو النبي يعقوب: ماني لاهي انخليك تمشي سابك اتباركني. ²⁷ و سولو الراجل: شنهو اسمك؟ و كآلو: اسمي يعقوب. ²⁸ و كآلو الراجل: اسمك ما اتلا يعقوب يغير عاد إسرائيل اللي معناه اتفانتن امع مولانا بيكلي اتفانتنت امع مولانا و الناس و اغلبتهم. ²⁹ و سولو النبي يعقوب: شنهو اسمك؟ و كآلو الراجل: اعلاش اتسولني عن اسمي؟ و بارك الراجل النبي يعقوب. ³⁰ و سما النبي يعقوب هاذي لبليدة فنيئيل اللي معناها بل امنين اجابرت امع مولانا و جها لوجه ولا مت. ³¹ و الين امشا النبي يعقوب عن فنيئيل ظهرت اعيله الشمس و عاد يمشي و هو يطلع من حر كفتو. ³² و لهاذا السبب ما يوكلو اولاد إسرائيل يلين

اليوم العصابة اللي اعلى المفصل الحركفة بيهلي الراجل اخبط النبي يعقوب
فهاذي لبليدة.

بركة النبي إسحاق والنبي يعقوب

النبي يعقوب يتصالح مع اخوه عيسو

¹ وخرص النبي يعقوب من ابعيد وشاف عيسو جاي وامعاه 400 راجل،
 وكسم النبي يعقوب أولادو امبين ليئة وراحيل ولخدم الثنتين. ² ودار لخدم
 وأولادهم فالقدام ومن فم ليئة وأولادها وفالوراني راحيل ويوسف.
³ واتقدمهم النبي يعقوب واسجد على التراب سبع مرات يلين كرب من
 خوه. ⁴ وكام عيسو دافع اياك يتلاكا امعاه وضم النبي يعقوب وحبو وكامو
 لأثنين ييكو. ⁵ وخرص عيسو اوراه وشاف لعليات والتركة وكال: من هوما
 هادو اللي امعاك؟ وكال النبي يعقوب: هادو هوما التركة اللي انعم بيهم
 مولانا على عبدك يعقوب. ⁶ وعاكب ذاك كربو لخدم الثنتين امع أولادهم
 وسجدو كدام عيسو. ⁷ وعاكبهم كربت ليئة وأولادها وسجدو هوما املي.
 وعاكب ذاك كربت راحيل ويوسف وسجدو هوما املي كدامو. ⁸ وسول
 عيسو النبي يعقوب: شنهو قصدك بهادو كلفات الحيوان اللي اجابرت
 امعاهم؟ وكالو النبي يعقوب: اعطيتهملك اياك انسكريك بيهم. ⁹ وكالو عيسو:
 أنا عندي ياسر يا خوي اكبظ شورك حيوانك. ¹⁰ وكال النبي يعقوب: ابدي
 إلى عدت اصا اسكريت اعليّ أنا طالبك تكبل هديتي. بيّلي أنا شفت وجهك
 وانتا ارضيت عني وأنا فرحت اليوم وعدت الا كيفت أركاج شاف مولانا.
¹¹ وأنا طالبك تكبل هادي الهدية اللي مشيتها لك بيهلي مولانا ارزقني بكل
 شي. والح النبي يعقوب اعلي عيسو يلين اكبل الهدية.
¹² وكال عيسو للنبي يعقوب: كيم ولاهي نمشي كدامك واتلبنني انتا.
¹³ وكالو النبي يعقوب: يا شيخي انتا تعرف اعلن اتريكتي اصغيرين ولغنم
 ولبكر اللي عندي فيهم البن. والين انتعبوهم ولو يوم واحد لا هي يموتو
 كاملين. ¹⁴ اتخطا كدامي انتا يا شيخي وأنا تالبك اعلي اكياسة اعلي حسب
 اللي كادة لغنم واعلي حسب طاقة التريكة يلين نتلاحك بيك يا شيخي فمدينة

سعر.

¹⁵ وڳالو عيسو: ايوا اصا لاهي انخلي امعاك ارواڳيڄ من اللي متافڪين امعاي. وڳالو النبي يعقوب: ذاك ماهو ضروري. آنا هڊفي الوحيد هو اعلناك ترضا اعلي يا شيخي. ¹⁶ وڳيم عيسو فطريكو ذاك النهار راجع شور سعر. ¹⁷ يغير النبي يعقوب ارحل شور ابليده اسمها سكوت وابنا لراصو دار وابنا لغنمو امبارات ولهاذا السبب أسمات ذي لبليده بسكوت اللي معناها امبارات. ¹⁸ وامنين امشا النبي يعقوب من واد أرام اوصل بالسلامة المدينة شكيم اللي فارض كنعان وابنا اخيامو امڳابل المدينة. ¹⁹ واشرا النبي يعقوب لارض اللي ابنا فيها خيمتو من أولاد حمور بو شكيم بمية كطعة من الفضة. ²⁰ وابنا فم مذبح وسماه إله إسرائيل هو مولانا.

بركة النبي إسحاق والنبي يعقوب

النبي يعقوب وعابلتو يدايكو امع جيرانهم

¹واخلك عاكب يلين اسكن النبي يعقوب وأسرتو فمدينة شكيم، اعلن خاظت دينة منت لينة اللي خلاتها للنبي يعقوب اياك تتعرف اعلى طافيلات جيرانهم اللي احذاهم. ²فذا شافها شكيم ول حمور الحوي شيخ ذيك لبليدة واكبطها واغتصبها وضيع شرفها. ³وانغرم كلبو بدينة منت النبي يعقوب وابغاها وكال اعليها الشعر. ⁴وكال شكيم لبوه حمور: اطلبلي هاذي لمرة من عند أهلها اياك نتخيم امعاها.

⁵واسمع النبي يعقوب اعلن شكيم ضيع شرف منتو دينة. وكانو أولاد النبي يعقوب فذا الوقت ير عاو لغنم فالخلوات وتم ساكت النبي يعقوب يلين رجعو أولادو. ⁶وجا حمور بو شكيم لنبي يعقوب اياك يخطب لولو دينة منت النبي يعقوب. ⁷وجاو أولاد النبي يعقوب من الخلوات عاكب يلين سمعو لخبار. وكانو منفكعين ومجلجين بيهلي شكيم ارتكب جريمة فإسرائيل باغتصابو المنت النبي يعقوب وهاذي فاحشة. ⁸وكال حمور: ولي شكيم ابغا منتكم ونختير نطلبهالو منكم اياك يتخيم امعاها. ⁹ناسبونا وعرسونا امناتكم واتعرسو امع امناتنا ¹⁰وعيشو امعانا ولارض اراعيها كدامكم تاجرو فيها وسكنو وملكو فيها. ¹¹وكال شكيم لبوها واخوتها: خلوني نحظا برضاكم، ذا كامل اللي اتدورو لاهي نعطيهاكم. ¹²لاهي نعطيكم الصداق ذاللي تطلبو مني. وذاللي اندور هو اعلنكم اتخيموني امع منتكم.

¹³وجاوبو أولاد النبي يعقوب شكيم وبوه حمور بنوع من التخزية بيهلي شكيم ضيع شرف ختهم. ¹⁴وكالولهم: ما انكدو انخيمو ختنا امع راجل ماهو مزين بيهلي هاذا عار عندنا. ¹⁵يغير نحنا انوافقو اعلى طلبكم يلين اتعودو كيفتنا واتزينو كل اذكر فيكم. ¹⁶وعاكب ذاك عدنا انكدو انخيموكم امناتنا و نتخيمو نحنا املي من امناتكم وانهيشو امبينكم وانهودو شعب واحد. ¹⁷والين

ما تسمعونا وما اتزينو رجالتكم لاهي نكېظو ختنا ونمشو بيها.
18 وازيان اكلامهم عند حمور وعند ولو شكيم. 19 وما ابطا شكيم عن يُزَيِّن
بيھلي كان يبغي دينة منت النبي يعقوب. وكان املي اكبير فعين بوه وأھلو.
20 وجاو حمور وولو شكيم شور مجلس اللي كان عند باب المدينة وكالو
لرجالتھا: 21 ھاڏو الكوم ھوما اجماعة عايشين فسلام امعانا. اعطونا انخلوھم
يعيشو فلارض ويتاجرو فيها بيھلي لارض واسعة كدامھم وانكدو نتخيمو
امع امناتھم ويتخيمو امع امناتنا. 22 كالونّا عنھم اياك يكدو يعيشو بيناتنا
ويعودو امعانا شعب واحد، يالتنا انزينو كل اذكر فينا. 23 عاكب ذاك يعود
حيوانھم واغنھم وكل ذاللي يملكو ھو لنا. خلونا انوافقوھم اعلى ذاللي طلبو
منا اياك يعيشو بيناتنا.
24 واكبلو الرجالة كاملين اللي كانو الحاضرين فمجلس المدينة كلام حمور
وشكيم اعلن يُزَيِّن كل اذكر فالمدينة.
25 وفالنھار الثالث فالوقت اللي كانو الرجالة حاسين بالام الزيانة، كامو
شمعون ولاوي اولاد النبي يعقوب واخوت دينة وكېظو اسيوفھم ودخلو
المدينة وكتلو الذكور كاملين. 26 وكتلو املي حمور وشكيم بالسيف وكېظو
دينه من دار شكيم وامشاو بيھا امعاهم. 27 وجاو اولاد النبي يعقوب للمدينة
اللي فيها الرجالة اللي ماتو وكېظو كل شي فالمدينة بيھملي ضيعو شرف
ختھم. 28 وكېظو اغنھم وابكرھم واحميرھم وكل شي اوخر فالمدينة
وفحرايئھم 29 وحبسو تركتھم واعلياتھم كاملين ونهبو ثروتھم كاملة وكل
ذاللي كان فالديار.
30 وكال النبي يعقوب لشمعون ولاوي: انتوما جبتولي المشاكل وكراھية
الكنعانيين والفريزيين اللي ساكنيين فھاڏي لارض، ونحنا كيھما تعرفو
اجماعة اكليلة والين يجتمعو ضدي ويھجمو اعليّ لاهي نھلك آنا وداري.
31 وكالو شمعون ولاوي: مندرا يكان من حقو يعامل ختنا كيفت امرة
عاهرة؟

بركة النبي إسحاق والنبي يعقوب

موت النبي إسحاق

¹و كآل مولانا للنبي يعقوب: كآس بيت إيل واسكن فم وابني مذبآ لمولانا اللآ اظهرلك فالوقت اللآ كنت فآه هارب من آوك عآسو. ²وآمر النبي يعقوب أسرتو والناس آخرآن اللآ كانوا امعاه و كآلهم: زركو لأصنام اللآ عندكم واطهرو وبادلو الباسكم، ³واتعالو انكآسو بيت إيل آآك نبنآ فم مذبآ لمولانا اللآ استآابلي آلآن كنت فضآقة وتافك امعآآ فالطرك اللآ امشآت فآها. ⁴و كآمو واعطاو لنبي يعقوب لأصنام كاملآن اللآ كانوا عندهم ولآدل اللآ كانوا فوآنآهم واردمهم النبي يعقوب آآ الصآراآة لكبآرة اللآ فشكآم. ⁵ومن فم رآلو، وهآمن رعب مولانا اعلى المآن اللآ اآآاهم آلآن عآو ما آكآو آهاآموهم ولا آآلبوهم. ⁶ولآكو النبي يعقوب والآماعة اللآ كانت امعاه مآآنة لوز اللآ فكنعان واللى اسمها الآناآى هو بيت إيل. ⁷وابنا النبي يعقوب مذبآ فم وسما ذآ لآلآة آآ مولانا آآهلى مولانا اظهرلو فالوقت اللآ كان فآه هارب من آوه عآسو. ⁸ومآآت فم آآورة اللآ كانت اآرآع رفة وانآآنت آآ الصآراآة لكبآرة اللآ اآآا آآ إيل وأسماآ لآلآة ألون باآوت اللآ معناها صآراآة البكى.

⁹واظهر مولانا للنبي يعقوب مرة آآرا عآكب ارآو عو من واد أرام وباركو ¹⁰و كآلو: اسمك ما آآلا يعقوب آآآر عآ اسمك إسرائآل اللآ معناه آآآآك امع مولانا. وسماه مولانا إسرائآل. ¹¹و كآلو مولانا: آنا هو مولانا القآآر: كآوم واآآار وآآلآكو منك أمم ومنك لاهآ آوآآو ملوك. ¹²ولارض اللآ اعطآتها لإبراهآم وإسآاق عآطآها لك ولآرآآك من عآكبك املى. ¹³وامشآ عنو مولانا من لآلآة اللآ اظهرلو فآها. ¹⁴واكآظ النبي يعقوب آآرة وو كفها الفوك كآفت علامة العآ و كآ اعلى الآآرة شآ من عصآر العنب آآك آعود قربان وشآ من الزآآ آآك آآصها لمولانا. ¹⁵وسما

النبي يعقوب ذي لبليدة بيت إيل اللي معناه دار مولانا بيهلي مولانا اتكلم امعاه فم.

¹⁶ ورحلو من بيت إيل. وإلين عادو فمسافة إكريب من أفراة، حست راحيل باللية البري واثكال اعليها البري. ¹⁷ وإلين اصعاب حته اعليها البري كالتلها لمرة اللي اتعاونها: لا اتخافي بيهلي لاهي يخلكلك اطفيل ثاني. ¹⁸ وإلين كانت اتحاول تتنفس وقت موتها سمات اطفيلها بن أوني اللي معناه ول حزني. يغير النبي يعقوب سماه بنيامين اللي معناه ول ايدي العربية. ¹⁹ وعاكب ذاك ماتت راحيل واندفنت احذا الطريق اللي كايسة أفراة اللي هي بيت لحم. ²⁰ ووگف النبي يعقوب حجرة اعلى اقبرها، ومزالت معروفة بحجرة اقبر راحيل يلين ظرك. ²¹ واصل النبي يعقوب اللي هو إسرائيل سفرو وابنا اخيامو اورا برج اسمو عدر. ²² وفالوقت اللي كان فيه النبي يعقوب اللي هو إسرائيل ساكن فذلك لارض، عاشر رأوبين بلهة خادم بوه واعلم إسرائيل بالقضية.

وهاذو هوما أولاد النبي يعقوب لإثنى عشر:

²³ أولاد ليئة، اللي هوما: رأوبين اللي هو بكر النبي يعقوب وشمعون ولاوي ويهوذا ويساكر وزبلون. ²⁴ وأولاد راحيل اللي هوما: يوسف وبنيامين. ²⁵ وأولاد بلهة خادم راحيل، اللي هوما: دان ونفتالي. ²⁶ وأولاد زلفة خادم ليئة، اللي هوما: جاد وأشير. وهاذو هوما أولاد النبي يعقوب اللي خلكلو فواد أرام.

²⁷ وجا النبي يعقوب لبوه النبي إسحاق فممرأ اللي هي قرية أربع المعروفة بحبرون وهي بل امنين اتغربو فيها النبي إبراهيم والنبي إسحاق. ²⁸ وعاش النبي إسحاق يلين 180 سنة. ²⁹ ومات وانضم شور اسلافو شيباني حته ودفنوه أولادو، النبي يعقوب وعيسو.

بركة النبي إسحاق والنبي يعقوب

لائحة أولاد عيسو

¹ وهاذي هي لائحة اسامي أولاد عيسو اللي ملقب بأدوم. ² اتخيم عيسو من امانات كنعان اللي هوماتي: عدا منت إيلون الحيثي وأهوليبامة منت عنا اللي جدها صبعون الحوي. ³ واتخيم املي امع بسمة منت عمو إسماعيل خت نبايوت. ⁴ وخلات عدا لعيسو أليفاز وخلاتلو بسمة رعوئيل. ⁵ وأهوليبامة خلاتلو يعوش ويعلام وقورح، وهاذو هوما أولاد عيسو اللي خلّكولو فارض كنعان.

⁶ واكبط عيسو اعلياتو وأولادو وامناتو وأهل دارو كاملين وغنمو وحيوانو كامل اللي اجمعهم فارض كنعان وارحل شور ابليدة اخرا ابعيد عن خوه النبي يعقوب ⁷ بيهلي من كثرة أملاكهم عادت لارض ما اتكد ترفدهم لأثنين، ولا كدت املي لارض اللي اتغربو فيها تكفيهم اياك يرعاو فيها اغنمهم. ⁸ واسكن عيسو اللي ملقب بأدوم فكدية سعيير.

⁹ وهاذي هي لائحة أولاد عيسو، بو لأدوميين اللي كان ساكن فكدية سعيير. ¹⁰ وهاذو هوما اسامي أولاد عيسو: أليفاز ول عدا اعيال عيسو ورعوئيل ول بسمة اعيال عيسو.

¹¹ وأولاد أليفاز هوما تيمان وأومار وصفو وجعثام وقناز. ¹² وكانت تمناع خادم لأليفاز ول عيسو وخلات لأليفاز عماليق. وهاذو هوما أولاد عدا اعيال عيسو.

¹³ وأولاد رعوئيل هوما نحت وزارح وشمة ومزة. وهوما كاملين أولاد بسمة اعيال عيسو.

¹⁴ وهاذو هوما أولاد أهوليبامة اعيال عيسو منت عنا منت اللي جدها صبعون: وهي خلات لعيسو يعوش ويعلام وقورح. ¹⁵ وهاذو هوما اشيوخ قبائل أولاد عيسو: من أولاد أليفاز اللي هو بكر عيسو، تيمان وأومار وصفو

وقناز¹⁶ وقورح وجعثام وعماليق. هاذو هوما اشيوخ القبائل اللي جايين من نسل أليفاز فارض أدوم وهوما من ذرية عدا اعيال عيسو.

¹⁷ وهاذو هوما اشيوخ قبائل أولاد رعوثيل ول عيسو: نحث وزارح وشمة ومزة. وهاذو هوما اشيوخ القبائل اللي جايين من نسل رعوثيل فارض أدوم وهوما من ذرية بسمه اعيال عيسو.¹⁸ وهاذو هوما أولاد أهولييامة اعيال عيسو، وهوما اشيوخ: يعوش ويعلام وقورح وهوما اشيوخ القبائل اللي جايين من أهولييامة اعيال عيسو.¹⁹ هاذو هوما أولاد عيسو اللي هو أدوم وهاذو هوما اشيوخ قبائلهم.

²⁰ وهاذو هوما أولاد سكير الحوري وهوما اشيوخ القبائل اللي كانو ساكنين سكير سابكهم: لوطان وشوبال وصبعون وعنا²¹ وديشون وإيصر وديشان. هاذو هوما اشيوخ قبائل الحوريين من أولاد سكير اللي ساكنين فارض أدوم.²² وأولاد لوطان هوما حوري وهيمام وتمناع اللي هي خت لوطان.²³ وهاذو هوما أولاد شوبال: علوان ومناحة وعييال وشفو وأونام.²⁴ وأولاد صبعون هوما أية وعنا، وعنا هو اللي اعثر اعلى عين الما الحامية فالخلوات فالوقت اللي كان يراعا فيه احمير بوه صبعون.²⁵ وخلقو لعنا، ديشون ومننو أهولييامة.²⁶ وأولاد ديشون هوما حمدان وأشبان ويثران وكران.²⁷ وأولاد إيصر هوما بلهان وزعوان وعقان.²⁸ وأولاد ديشان هوما عوص وأران.²⁹ وهاذو هوما اشيوخ قبائل الحوريين: لوطان وشوبال وصبعون وعنا³⁰ وديشون وإيصر وديشان. وهاذو هوما اشيوخ قبائل الحوريين حسب قبائلهم اللي ساكنين فارض سكير.

³¹ وهاذو هوما الملوك اللي حكمو ارض أدوم سابك يعود فيها ملك فإسرائيل: ³² بالع ول بعور املك فأدوم وكان اسم مديننتو دنهابة.³³ ومات بالع وخلفو يوباب ول زارح اللي من البصرة.³⁴ ومات يوباب وخلفو حوشام اللي من ارض التيماني.³⁵ ومات حوشام وخلفو هداد ول بداد اللي اغلب المديانيين فارض مؤاب. واسم مديننتو هو عويت.³⁶ ومات هداد وخلفو سملة اللي من مسريقة.³⁷ ومات سملة وخلفو شاول من رحوبوت اللي اعلى حاشية النهر.³⁸ ومات شاول وخلفو بعل حانان ول عكبور.³⁹ ومات بعل حانان وخلفو هدار واسم مديننتو فاعو وكانت اعيالو مهيطبئيل منت مطرد

منت راجل اسمو ماء الذهب.⁴⁰ وهاذو هوما اسامي اشيوخ القبائل اللي
متفرعين من ذرية عيسو حسب قبائلهم اللي رقدو اساميهم: اشيوخ تمناع
وعلوة ويتيت⁴¹ وأهوليبامة وإيلة وفينون⁴² وقناز وتيمان ومبصار⁴³
ومجديئيل وعيرام. وهاذو هوما اشيوخ أدوم حسب بل امنين ساكنين فيه
فلارض اللي ملكوها، وهوما كاملين من ذرية عيسو بو لأدوميين.